

sanjvwnz

Fwnmoenq Foenxfoenx Youh Cingmingz

烟雨纷纷又清明

□ Ganh Sozvwnz / 甘说文

(ciep geiz gonq)

Seiziq mbouj rox vihmaz bae baiq daxbuz, daengz henz moh daxbuz seiz, daxboh cungj gig yiemzsuk, mbouj hawj dou youq henzgyawj cauznauh, naeuz aeu hawj daxbuz cingx di ietnaiq. Dou bouxbox gonggong gingqgingq diemj yieng baiq gvaq daxbuz le, couh swngz daxboh naengh youq henz moh ngaenzgwd, caegcaeg ndot bae gizgyae guhcaemz. Caj dou guhcaemz dauqma, mbouj rox daxboh vihmaz naj saepsisi, lij lumj gyaenghfwz nei naengh youq henz moh daxbuz, mbouj sing mbouj doengh, gou yawj mizdi geizgvaiq, couh siujsim cam daxboh naeuz, caiq diemj yieng baiq gvaq daxbuz le ndaej gip doxgaiq baema mboujcaengz. Daxboh dap mbouj doiq cam naeuz: “Daxbuz sou ciuhvunz daiq sinhoj lo.” Gij sing de gig geizgvaiq, lumj daiq giz gig gyaecienz daeuj, hwk ndaej gou mbouj gamj guhsing.

Daxbuz dwg yahmai, daxboh gig iq couh dwg lwgyax, daxbuz mbouj gajhaq, gag ciengx daxboh majhung, souh le haujlai hoj, gwn le haujlai vi. Daxboh ciengz gangj gij saehcingz de caeuq daxbuz haenx. Gou hung le cij rox, daxboh vihmaz bae baiq daxbuz ciengzciengz naengh dwk ngeix ndaej fatngaengq, daegbied yiemzsuk daegbied yousim. Daxboh daiq siengjniemh daxbuz lo, seiz dou bae guhcaemz, de gag naengh youq giz haenx siengjvaengvaeng, ciuhvunz

daxbuz couh youq ndaw uk de ngeix gvaq baez ndeu lo. Gij haemzhoj daxbuz daiq lai lo, siengj daengz gijneix, aensim daxboh baenzlawz mbouj naekgywgywg youmoepmoep ne, gij sing’ yaem daxboh baenzlawz mbouj bienq ndaej geizgvaiq— sapsaebsaeb vauvwtvwt, lumj daiq gizgyae cienz daeuj ne?

Lij dwg gij lohndoi haenx, lij dwg gij gingsaek haenx, hoeng, ndwenngoengz gvaqbae, seizgan mbouj doengz lo. Seizneix, gou cingq caeuq daegnuengx daiq lwg daiq lan daeuj baiq daxboh. Gyoengq lwgnyez bouxcoz hix lumj dou seiziq ityiengh, cici cetcet, youh maengx youh angq. Gyoengqde hix doengzyiengh mbouj rox gij simcingz dou. Seizneix, ndaw uk gou cij naemj daengz saehgonq, ndaw da cij yawjraen gij yienghsienq daxboh, ndaw rwz cij dingqnyi gij vah daxboh. Siengj daengz daxboh soengq gou dah lwgmbwk neix doegsaw, souh le haujlai gungz, gwn le haujlai hoj; siengj daengz de muenx bingh mbouj hawj gou rox de baenz aizcwnq, ganj seizgan haenqrengz bang daegnuengx guh ranzlaeuz, son daegnuengx guhvunz guh hong; siengj daengz de yaek goengheiq seiz daengq dou aeu bang daegnuengx baenzranz baenzvunz; siengj daengz de gvaqseiq le lij mbouj laep da……raemxda gou nyaenx mbouj ndaej nyoengx okdaeuj lo.

“Lwg aeu ciengx, boh mbouj youq.” Daxboh bae ndaej daiq caeux

lo, mbouj caj daegnuengx baenzranz miz lwg, mbouj caj dou geiq ndaej gyaec de dauq. Seizneix, gou caeuq daxboh, yaem yiengz doxgek, miz vah gangj mbouj doeng, miz gyaec gyaec mbouj ndaej……baenzlawz sim mbouj heiq ne!

Gwnz ndoi fwnmoenq mbinfoenxfoenx, mbiengj ndoi haenx, gij fwjwn nanupnup naekgywgywg, lumj boux ga naek ndeu naiqnueknuek menhmenh byaij coh mbiengj neix daeuj, daengz gizgyawj youh dauq

yawj mbouj raen lo, lumj miz mbouj miz, lumj mbouj miz youh miz, couh lumj gij saehgaeuq, gyaec’gyanggyang youh faenmingz hawj vunz roxnyinh daengz, naemj daengz, sawj vunz siengsim……Byoemgyaeuq caeuq buhvaq cungj bwdbadbad, ndawsim gou diuqfubfab mbouj dingz.

Fwnmoenq foenxfoenx youh cingmingz. Seizneix, gou cij caencingq rox daengz, seizciet cingmingz daeuj daengz, vihmaz “ndoi cingx feizyieng rongh, fwnmoenq vunz siliengz.” (sat)



Dahsau Buyihcuiz Gyaec Raixcaix Dahnaz ingj

Baez diucaz neix, cujyau dwg ngeixyaeng roengzcuengq hengzguh hongreihnaz 16 diuz caeuq yungh swnghcanjdui guh danvih haedsuenq goekgaen le, gij gvanhaeh guh hong lajmbanj caeuq guh hong nazreih lij miz gijmaz vwndiz, wnggai caijyung h gijmaz banhfap daeuj caepmaenh ginghci cizdij, baenzlawz ndaej hawj guh hongnazreih ndaej hoizfuk caeuq mbefat ndaej engqgya vaiq di.

Gyoengq gihcwnqz ganbu caeuq gyoengq seyenx cungj nyinhnaeuz, yaek guh ndaej hong cizdij, couh itdingh aeu miz aen swnghcanj cidu cwzyin yiemzgek ndeu, caencingq ndaej daejyienh ok baengh guh hong ndaej souhaeuj cungj yenzcwz neix cij baenz. Okhong vunz caenx gou gyaep gyaj haengheiq, guh ndei guh yaez cungj doxdoengz, yienghneix mbouj ndaej caepmaenh gij ginghci cizdij, mbouj ndaej guh ndei hongnazreih.

Hoeng, baez yaeng baenzlawz gyagiengz gij cidu cwzyin, caezgya

yigen cix mbouj doxdoengz lo. Mbangj vunz cawjcieng hong laux aeu cizcij vunzlai caez guh, honglingz bau hawj gak ranz gag guh, mbangj vunz cawjcieng bau hong bau canj daengz cujguh hong, mbangj vunz dinghngeng guenleix, bingz hong geiq faen, caemh miz mbangj vunz cawjcieng baucanj daengz hoh.

Vih hawj caezgya haeujnaek doxyaeng doxlwnh, youq baez hoihnaenghdamz gihcwnqz ganbu gyangde, Veiz Gozcingh heuh misuh Vuj Nwngzmingz doeg bien faenzcieng daeng youq gwnz 《Siusik

Camgauj》, gvendaengz Anhveih Swngj guh “naz cwzyin” ndaej fungsou haenx. Ngamq doeg sat, cix miz vunz naeuz: “Cungj banhfap neix ndei, cungj banhfap neix couh dwg baucanj daengz hoh. Mbouj yungh duicangj hemq ok hong, seyenx swhgeij rox mo laep bae guh hong, mbouj ndaej demcanj cij dwg saehgvaiq ne!” Hix miz vunz nyinhnaeuz, cungj banhfap neix mbouj ndaej yungh, vunzguh hong ranz mbouj doengz ranz, miz bouxak hix miz bouxnyieg, danghnaeuz bungz deng cai hux, gwndaen

vunzlai itdingh yaek mbouj ndaej bingzyaenz, yingjiyangj sevei onjdingh. Hai hoih doxlwnh ndaej hoenghhdwd, daihgva mwngz coenz gou coenz, gangjmingz naemjfaen.

Ciuq youq Cizngoz Dadui modaej ndaej rox, daengx dadui 140 ranz vunz, miz 60 ranz vunz cung-eiq baucanj daengz hoh, miz 43 ranz vunz fanjdui, miz 37 ranz mbouj fandui hix mbouj haenhdoengz. 6 boux swnghcanjduicangj, dingz haenhdoengz, dingz fanjdui.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisii Cioz Siengzcoub Liuz Gingliuj Cioz Siengzzen hoiz

yigen cix mbouj doxdoengz lo. Mbangj vunz cawjcieng hong laux aeu cizcij vunzlai caez guh, honglingz bau hawj gak ranz gag guh, mbangj vunz cawjcieng bau hong bau canj daengz cujguh hong, mbangj vunz dinghngeng guenleix, bingz hong geiq faen, caemh miz mbangj vunz cawjcieng baucanj daengz hoh.

Vih hawj caezgya haeujnaek doxyaeng doxlwnh, youq baez hoihnaenghdamz gihcwnqz ganbu gyangde, Veiz Gozcingh heuh misuh Vuj Nwngzmingz doeg bien faenzcieng daeng youq gwnz 《Siusik

Camgauj》, gvendaengz Anhveih Swngj guh “naz cwzyin” ndaej fungsou haenx. Ngamq doeg sat, cix miz vunz naeuz: “Cungj banhfap neix ndei, cungj banhfap neix couh dwg baucanj daengz hoh. Mbouj yungh duicangj hemq ok hong, seyenx swhgeij rox mo laep bae guh hong, mbouj ndaej demcanj cij dwg saehgvaiq ne!” Hix miz vunz nyinhnaeuz, cungj banhfap neix mbouj ndaej yungh, vunzguh hong ranz mbouj doengz ranz, miz bouxak hix miz bouxnyieg, danghnaeuz bungz deng cai hux, gwndaen

vunzlai itdingh yaek mbouj ndaej bingzyaenz, yingjiyangj sevei onjdingh. Hai hoih doxlwnh ndaej hoenghhdwd, daihgva mwngz coenz gou coenz, gangjmingz naemjfaen.

Ciuq youq Cizngoz Dadui modaej ndaej rox, daengx dadui 140 ranz vunz, miz 60 ranz vunz cung-eiq baucanj daengz hoh, miz 43 ranz vunz fanjdui, miz 37 ranz mbouj fandui hix mbouj haenhdoengz. 6 boux swnghcanjduicangj, dingz haenhdoengz, dingz fanjdui.

(caengz sat)